



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

հուլիսի 2026 թվականի №Ա

**ԵՐԵՎԱՆ ՔԱՂԱՔԻ ԱՐԳԻՇՏԻ ՓՈՂՈՑԻ 15 ԵՎ 17 ՀԱՍՑԵՆԵՐԻ ԲԱԶՄԱԲՆԱԿԱՐԱՆ
ՇԵՆՔԵՐԻ ՍՊԱՌՄԱՆ ՀԱՄԱԿԱՐԳԵՐՆ ԷԼԵԿՏՐԱԿԱՆ ՑԱՆՑԻՆ ՄԻԱՑՆԵԼՈՒ
ՄԱՍԻՆ**

Հաշվի առնելով՝

ա) Երևան քաղաքի Արգիշտի փողոցի 15 և 17 հասցեների բազմաբնակարան շենքերի (այսուհետ՝ Բազմաբնակարան շենքեր) մի խումբ բնակիչների կողմից 2026 թվականի հունվարի 29-ին «Հայաստանի էլեկտրական ցանցեր» փակ բաժնետիրական ընկերություն (այսուհետ՝ Ընկերություն) ներկայացված դիմումը, որով վերջիններս խնդրել են իրենց դարձնել Ընկերության բաժանորդ, և նշել, որ Բազմաբնակարան շենքերում բնակվում են շուրջ 11 տարի,

բ) Բազմաբնակարան շենքերի բնակիչների կողմից 2026 թվականի հունիսի 12-ին Հայաստանի Հանրապետության հանրային ծառայությունները կարգավորող հանձնաժողով (այսուհետ՝ Հանձնաժողով) ներկայացված գրությունն առ այն, որ Բազմաբնակարան շենքերի կառուցապատող «Գլենդել Հիլզ» փակ բաժնետիրական ընկերությունը ԵԿԴ/0078/04/15 դատական ակտով ճանաչվել է սնանկ,

գ) Ընկերության 2026 թվականի փետրվարի 13-ի Ե-562-26 գրությունը, որով վերջինս հայտնել է, որ Բազմաբնակարան շենքերի սպառման համակարգերն էլեկտրամատակարարմամբ ապահովելու համար շենքերի կառուցապատողը Ընկերություն չի դիմել,

դ) Ընկերության 2026 թվականի հունիսի 25-ի №Ե-2414-26 և Բազմաբնակարան շենքերի մի խումբ բնակիչների հուլիսի 6-ի գրությունները, համաձայն որոնց՝ վերջիններս

չեն առարկում Բազմաբնակարան շենքերի սպառման համակարգերը սույն որոշմամբ սահմանված ընթացակարգով էլեկտրական ցանցին միացնելուն,

և հիմք ընդունելով Հանձնաժողովի 2019 թվականի դեկտեմբերի 25-ի №523Ն որոշմամբ հաստատված՝ Հայաստանի Հանրապետության էլեկտրաէներգետիկական շուկայի բաշխման ցանցային կանոնների (այսուհետ՝ Կանոններ) 156-րդ կետը՝ **Հանձնաժողովը որոշում է.**

1. Սահմանել, որ՝

- 1) Բազմաբնակարան շենքերի սպառման համակարգերն էլեկտրական ցանցին միացման համար Կանոնների 159-րդ կետով սահմանված հայտը կարող է ներկայացնել, Ընկերության հետ կառուցվող բազմաբնակարան շենքի կամ կառուցապատվող թաղամասի սպառման համակարգն էլեկտրական ցանցին միացման պայմանագրեր (այսուհետ՝ Պայմանագրեր) կնքել Բազմաբնակարան շենքերի կողմից լիազորված անձը (այսուհետ՝ Լիազորված անձ).
- 2) սույն կետի 1-ին ենթակետում նշված հայտն ստանալուց հետո Կանոնների 162-րդ կետով սահմանված կարգով և ժամկետում Ընկերությունը Լիազորված անձին ներկայացնում է Պայմանագիր կնքելու առաջարկ.
- 3) Պայմանագիրը կնքված է համարվում Բաշխողի կողմից Լիազորված անձին Պայմանագիր կնքելու առաջարկը պատշաճ ներկայացնելու պահից 15 աշխատանքային օրվա ընթացքում Պայմանագրով սահմանված միացման վճարը (28 000 000 ՀՀ դրամ՝ ներառյալ ԱԱՀ-ն) վճարելու պահից.
- 4) սույն կետի 3-րդ ենթակետում նշված միացման վճարի վճարման օրվանից մինչև Բազմաբնակարան շենքերն էլեկտրամատակարարմամբ ապահովման առավելագույն ժամկետը չի կարող գերազանցել 360 աշխատանքային օրը.
- 5) չի թույլատրվում էլեկտրական ցանցին միացման դիմում ներկայացրած անձանցից պահանջել կատարել վճարումներ, տրամադրել հատուցում, ներկայացնել տեղեկություն և փաստաթղթեր կամ նրանց ծանրաբեռնել պարտավորություններով, եթե դրանք սահմանված չեն Կանոններով, սույն որոշմամբ, Պայմանագրերով կամ այլ նորմատիվ իրավական ակտերով: Բազմաբնակարան շենքերի սպառման համակարգերի՝ բաշխման ցանցին

միացումից հետո Ընկերություն ներկայացված ակցեպտների հիման վրա Բազմաբնակարան շենքերի բնակիչները ձևակերպվում են՝ որպես Ընկերության բաժանորդներ:

2. Սույն որոշումն ուժի մեջ է մտնում Ընկերությանը և Բազմաբնակարան շենքերի բնակիչներին օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Մ. ՄԵՍՐՈՊՅԱՆ

ք. Երևան
հուլիսի 2026թ.